

四庫全書

集部

欽定四庫全書

集部

石倉歷代詩選卷一百十二

五

詳校官庶吉士

臣范逢恩

侍讀臣孫球覆勘

總校官進士

臣朱

鈐

校對官中書

臣葉

蘭

謄錄監生

臣

李師弼

欽定四庫全書

石倉歷代詩選卷一百十二

明 曹學佺 編

唐九十九

宮闈

長孫后

太宗后  
諡文德

遊春曲

上苑香花朝日明  
蘭閨艷妾動春情  
井上新桃偷面色

簷前嫩柳學身輕  
花中去來看舞蝶  
樹上長短聽流鶯  
林下何須遠借問  
出衆風流舊有名

徐賢妃

名惠太宗妃湖州人

秋風函谷關應詔

秋風起函谷  
朔氣動河山  
偃松千嶺上  
雜雨二陵間  
低雲愁廣隰  
落日慘重關  
此時飄紫氣  
應念真人還

賦得北方有佳人

由來稱獨立  
本自號傾城  
柳葉眉間發  
桃花臉上生  
腕

搖金釧響步轉玉環鳴纖腰宜寶袂紅衫艷織成懸知  
一顧重別覺舞腰輕

長門怨

舊愛栢梁臺新寵昭陽殿守分辭芳輦含情泣團扇一  
朝歌舞榮夙昔詩書賤君恩誠已矣覆水難重薦

粧殿答太宗

朝來臨鏡臺粧罷暫徘徊千金始一笑一召詎能來

武則天

名嬰高宗  
后文水人

遣使宣詔幸上苑

明朝遊上苑火速報春知  
花須連夜發莫待曉風吹

同太平公主遊九龍潭

山牕遊玉女澗戶對瓊峯  
巖頂翔雙鳳潭心倒九龍  
酒中浮竹葉杯上瀉芙蓉  
欲驗山家賞惟有入松風

如意娘

看朱成碧思紛紛  
憔悴支離為憶君  
不信別來長下淚  
開箱驗取石榴羣

陪駕幸嵩山

陪鑒遊禁苑侍賞出蘭闌雲掩攢峯蓋霞低擁浪旂日  
宮疏澗戶月殿啟巖扉金輪轉金地香閣曳香衣鐸吟  
輕吹發幡搖薄霧霏昔遇焚芝火山紅迎野飛花臺無  
半影蓮塔有全輝寔賴能仁力攸資善世威慈緣興福  
緒于此永皈依風枝不可靜泣血竟何追

上官昭容

名婉兒  
中宗妃

奉和聖製立春侍宴內殿出剪綵花應制

密葉因裁吐新花逐剪舒攀條雖不謬摘藥詎知虛春  
至由來發秋還未肯踈借問桃將李相亂欲何如

奉和九月九日登慈恩寺浮圖應制

帝里重陽節香園萬乘來却邪莫入佩獻壽菊傳杯塔  
類承天湧門疑待佛開睿詞懸日月長侍御昭回

奉和三會寺應制

釋子談經處軒臣刻字留故臺遺老在殘簡聖君求駐  
驂懷千古開襟望九州四山緣塞合三水夾城流宸翰



陪瞻仰天杯接獻酬太平詞藻盛長願紀鴻休

駕幸新豐溫泉宮獻詩三首

三冬季月景新年萬乘觀風出灞川遙看電躍龍為馬  
迴囑相原玉作田

其二

鸞旂掣曳拂空回羽騎驂驔躡景來隱隱驪山雲外聳  
迢迢御帳日邊開

其三

翠幕珠闌敞月營金罍玉笋泛蘭英歲歲年年常扈蹕  
長長久久樂昇平

綵書怨

葉下洞庭初思君萬里餘露濃香被冷月落錦屏虛欲  
奏江南曲貪封薊北書書中無別意惟悵久離居

楊貴妃

玄宗  
妃

贈張雲容舞

羅袖動香香不已紅蕖裊裊秋烟裏輕雲嶺上乍搖風

嫩柳池邊初拂水

江采蘋

玄宗妃  
莆田人

謝賜珍珠

桂葉雙眉久不描  
殘粧和淚濕紅綃  
長門盡日無梳洗  
何必珍珠慰寂寥

開元宮人

戰袍詩

沙場征戍客  
寒苦若為眠  
戰袍經手作  
知落阿誰邊  
留

意多添線含情更著綿  
今生已過也願結後生緣

天寶宮人

題梧葉

一入深宮裏年年不見春  
聊題一片葉寄與有情人

杏葉詩

一葉題詩出禁城  
誰人酬和獨含情  
自嗟不及波中葉  
蕩漾乘春取次行

韓宮人

僖宗時

題紅葉詩

流水何太急深宮盡日閒  
殷勤謝紅葉好去到人間

感懷詩

一聯佳句隨流水十載幽詩滿素懷  
今日却成鸞鳳友方知紅葉是良媒

僖宗宮人

鎖袍詩

玉燭製袍衣金刀呵手裁鎖情寄千里鎖心終不開

宜芬公主

玄宗時

題屏風詩

出嫁辭鄉國由來此別難  
聖恩愁遠道行路泣相看  
沙塞容顏盡邊隅粉黛殘  
妾心何處斷他日望長安

武陵王蕭妃

夜夢

昨年夢君歸賤妾不鳴機  
極如意氣薄不著去時衣  
古言如夢裏賴得雁書飛

龍城貴主

寄人詩

羞解鳴璫尋漢渚但憑春夢到天涯  
紅樓日暮鶯飛去  
愁殺深宮落砌花

宋若昭

德宗妃  
貝州人

奉和御製麟德殿燕百僚

垂衣臨八極肅穆四門通自是無為化  
非闕輔相功修  
文招隱伏尚武殄妖凶德立韶光熾  
恩沾雨露濃衣冠

陪御燕禮樂盛朝宗萬壽稱觴日千年信一同

宋若憲

德宗妃  
若昭妹

奉和御製麟德殿燕百僚

端拱承休命時清荷聖皇  
四聰聞受諫五服遠朝王  
景媚暄初轉春殘日正長  
御筵多濟濟盛樂復鏘鏘  
宴餼誰能敵橫汾未可方  
願齊山岳壽福祚永無疆

嘲陸暢詩

十二層樓倚翠空鳳鸞相對立梧桐  
雙成走報監門衛



莫使吾飲入漢宮

鮑君徽

德宗妃  
字文姬

奉和御製麟德殿宴百僚應制

睿澤光寰海功成展武韶  
戈鋌清外壘文物盛中朝  
聖祚山河固宸章日月昭  
玉筵鸞鵠集仙管鳳皇調  
御柳新堤綠宮鶯乍轉嬌  
願承億兆慶千祀奉神堯

東亭茶燕

閑朝向晚出簾櫳  
茗燕東亭四望通  
遠眺城池山色裏

金匱要略卷一百十二  
俯聆絃管水聲中  
幽篴引沼新  
抽翠芳  
摧低簷欲吐紅  
坐久此中無限興  
更憐團扇起清風

關山月

高高秋月明  
北照遼陽城  
寒回光初滿  
風多暈更生  
征人望鄉思  
戰馬聞鼓驚  
朔風悲邊草  
胡沙暗虜營  
霜凝匣中劍  
雲蔽原上旌  
早晚謁金闕  
不聞刁斗聲

惜春花

枝上花花下人  
可憐顏色俱青春  
昨日看花花灼灼  
今

日看花花欲落不如盡此花下歡莫待春風總吹却鶯  
歌蝶舞媚韶光紅爐煮茗松花香粧成冷態恣遊樂獨  
把花枝歸洞房

費氏

蜀孟昶妃號  
花藥夫人

宮詞

五雲樓閣鳳城間花木長新日月閒三十六宮連內苑  
太平天子住崑山

會真殿廣約宮牆樓閣相扶倚太陽淨發玉階橫水岸

御爐香氣撲龍牀

龍池九曲遠相通楊柳絲牽兩岸風長似江南好風景  
畫船來去碧波中

厨盤進食簇時新侍宴無非列近臣日午殿頭宣索膾  
隔花催喚打魚人

離宮別院繞宮城金版輕敲合鳳笙夜夜月明花樹底  
傍池長有按歌聲

御製新翻曲子成六宮纔唱未知名盡將感策來抄譜

先按君王玉遂聲

春風一面曉粧成  
偷折花枝傍水行  
却被內監遙覩見  
故將紅豆打黃鶯

內人追逐采蓮時  
驚起沙鷗兩岸飛  
蘭棹把來齊拍水  
並船相鬪濕羅衣

選進仙韶第一人才  
勝羅綺不勝春重教  
按舞桃花下  
只踏殘紅作地茵

夜寒金屋篆烟飛  
燈燭分明在紫微  
漏永禁宮三十六

燕回爭踏月輪歸

金井秋啼絡緯聲出花宮漏報嚴更不知誰是金鑾直  
玉宇沈沈夜氣清

內庭秋燕玉池東香散荷花水殿風阿監采菱牽錦纜  
月明猶在畫船中

翠華香重玉爐添雙鳳樓頭曉日暹扇掩紅鸞金殿悄  
一聲清蹕捲珠簾

鬪草深宮玉檻前春蒲如箭荇如錢不知紅藥欄干曲

日暮何人落翠鈿

太液波清水殿涼  
畫船驚起宿鴛鴦  
翠眉不及池邊柳  
取次飛花入建章

蕙炷香銷燭影殘  
御衣薰盡徹更闌  
歸來困頓眠紅帳  
一枕西風夢裏寒

三清臺近苑牆東  
樓檻層層映水紅  
盡日綺羅人度曲  
管絃聲在半天中

蜀順聖太后徐氏

徐耕女

謁丈人觀先帝御容

千尋綠嶂夾流溪登眺因知海嶽低瀑布迸春青石碎  
輪茵橫剪翠峯齊步粘苔蘚龍橋滑身閉烟蘿鳥徑迷  
莫道穹天無路到此山逾是碧雲梯

題漢州三學山至夜看聖燈

虔禱遊靈境元妃夙志同玉香焚靜夜銀燭炫遼空泉  
漱雲根月鐘敲會杪風印金標聖迹飛石顯神功滿望  
江淮極臨西日脚紅猿來齋室上僧集講筵中頓覺超



三界渾疑證六通  
願成脩偃事社稷  
保延洪

禱青城山回

周遊靈境散幽情  
千里江山暫得行  
所恨風光看未足  
卻驅金翠入龜城

蜀翊聖太妃徐氏

太后妹

謁丈人觀先帝御容

共謁御容儀  
還同在禁闈  
笙歌喧寶殿  
彩仗耀金徽  
清淚沾羅袂  
紅霞拂赭衣  
九疑山水遠  
無路斷湘妃

題金華館

碧雲紅霧撲人衣宿露沾苔石逕危風巧解吹松上曲  
蝶嬌頻采臉邊脂同尋僻徑思攜手暗指遙山學畫眉  
好把身心清淨出角冠霞帔事希夷

題彭州陽平地

雲浮翠輦屈陽平真似駢鸞到上清風起半厓聞虎嘯  
雨來當面見龍行晚尋水澗尋松韻夜上星壇看月明  
長恐前身居此境玉堂教向錦城生

題漢川三學山至夜看聖燈

聖燈千萬炬旋向碧雲生  
細雨濕不暗好風吹更明  
磬敲金地響僧唱梵天聲  
若說無心法此光如有情

禱青城山回

翠驛江亭近玉亭夢魂猶是在  
青城比來出看江山景  
却被江山看出行

李舜絃夫人

蜀宮應制

金少口石金三  
卷一百十二  
濃樹禁花開後庭飲筵中散酒醒醒濛濛雨草瑤階濕  
鐘曉愁吟獨倚屏

釣魚不得

盡日池邊釣錦鱗  
芰荷香裏暗銷魂  
依稀縱有尋春餌  
知是金鈎不肯吞

隨駕出遊青城

因隨八駿上仙山  
頓隔塵埃物象間  
只恐西追王母宴  
却憂難得到人間

石宮闡詩初盛集內如徐賢妃上官昭容有已入選  
者茲已成編稍重複一二云

石倉歷代詩選卷一百十二

欽定四庫全書

石倉歷代詩選卷一百十三

明 曹學佺 編

唐一百

閨秀

士人妻

武后朝

詠離別難

此別難重陳花飛復戀人  
來時梅覆雪去日柳含春  
物

金  
候催行客歸途淑氣新  
剡川今已遠  
魂夢暗相親

林氏

薛元  
陽人  
暖妻

送男彥輔在貶詩

他日初投杼  
勤王在隱兵  
有辭期不罰  
積意許相仍  
謫宦今何在  
銜冤猶未勝  
天涯分越徼  
驟騎速毗陵  
腸斷茶非苦  
書傳寫豈能  
淚添江水遠  
心劇海雲蒸  
明月珠難識  
甘泉賦可稱  
但將忠報主  
何懼點青蠅

張夫人

吉中  
孚妻



拾得華氏花鈿以詩寄贈

今朝妝閣前拾得舊花鈿粉污痕猶在塵侵色尚鮮曾  
經織手製貼向翠眉邊能助千金笑如何忍棄捐

柳絮

靄靄芳春朝雪絮起青條或值花同舞不因風自飄過  
尊浮綠醕拂幌綴紅綃那用持愁翫春懷不自聊

古意

輓轡曉轉素絲鞭桐聲夜落蒼苔磚涓涓吹溜若時雨

濯濯嘉蔬非用天丈人不解此中意抱甕當時徒自賢

拜新月

拜新月拜月出堂前暗魄深籠桂虛弓未引弦拜新月  
拜月妝樓上鸞鏡未安臺蛾眉已相向拜新月拜月不  
勝情庭前風露清月臨人自老人望月長生東家阿母  
亦拜月一拜一悲聲斷絕昔年拜月騁容儀如今拜月  
淚雙垂回看衆女拜新月却憶閨中年少時

誚喜鵲

疇昔鴛鴦侶朱門賀客多如今無此事好去莫相過

趙氏

冠坦  
母

擬古意

鬱蒸夏將半暑氣扇飛閣驟雨滿空來當軒捲羅幕度  
雲開夕霽宇宙何清廓明月流素光輕風換炎爍孤鷺  
傷對影瑤瑟悲別鶴君子去不還搖心欲何託

其二

金菊延清霜玉壺多美酒良人久不歸芳菲豈常有不

惜芳菲歇但傷離別久含情罷斟酌凝怨對牕牖

其三

霽雪舒長夜寒雲伴秋谷巖風振枯條啼猿抱冰木所  
嗟遊宦子少小荷天祿前程未云至悽愴對車僕歲寒  
成詠歌日暮棲林樸不憚行路險空悲年運促

蔣馥

彥輔  
之孫

贈鄭女古意

昨夜巫山中失却陽臺女朝來香閣重獨伴楚王語艷

陽灼灼河洛神珠簾繡戶朱樓春能彈箜篌弄纖指愁  
殺門外少年子笑開一面紅粉粧東園幾處桃花死朝  
理曲暮理曲獨坐窓前一片玉行也嬌坐也嬌見之令  
人魂魄銷堂前錦褥紅地爐綠沈香檯傾屠蘇解佩時  
時歇歌管芙蓉帳裏蘭麝滿挽起羅衣香不斷滅燭每  
嫌秋夜短

贈故人

昔別容如玉今來髮若絲淚痕應共見腸斷阿誰知

張文姬

鮑參軍妻

詠雙槿樹

綠葉競扶疎紅姿相照灼不學桃李花亂向春風落

池上竹

此君臨此池枝低水相近碧色綠波中日月流不盡

沙上鷺

沙頭一水禽鼓翼揚清音只待高風便非無雲漢心

溪口雲

溶溶溪口雲纔向溪中吐不復歸溪中還作溪頭雨

郎大家宋氏

詠采桑

春來南雁歸日去西蠶遠妾思紛何極君遊殊未返

朝雲引

巴西巫峽指巴東朝雲觸石上朝空巫山巫峽高何已  
行雨行雲一時起一時起三春暮春暮若言來且就陽  
臺路

擬晉女劉妙容宛轉歌二首

風已清月朗琴復鳴掩抑非千態殷勤是一聲  
歌宛轉宛轉和且長願為雙黃鵠比翼共翱翔

其二

日已暮長簷鳥聲度望君君不來思君君不顧  
歌宛轉宛轉那能異棲宿願為形與影出入恒相逐

田娥

寄遠詩



憶昨會詩酒終日相逢迎今來成故事歲月令人驚淚  
流紅粉薄風度羅衣輕難為子猷志虛負文君名

攜手曲

攜手共惜芳菲節鶯啼錦花滿城闕行樂逶迤念容色  
色衰祇恐君恩歇鳳笙龍管白日陰盈虧自感中天月

喬氏

喬知  
之妹

詠破簾

已漏風聲擺繩持也不禁一從經落節無復有貞心

侯氏

張揆妻

繡龜形詩

睽離已是十秋強對鏡  
那堪重理妝聞雁幾回修尺素  
見霜先為製衣裳開箱疊練先垂淚拂杵調砧更斷腸  
繡作龜形獻天子願教征客早還鄉

趙氏

杜羔妻

雜言寄杜羔

君從淮海遊再過蘭杜秋歸來未須臾又欲向梁州秦

州秦嶺西棧道與雲齊羗蠻萬餘落矛戟自高低已念  
寡儔侶復慮勞攀躋丈夫重志氣兒女空悲啼臨邛滯  
遊地肯顧濁水泥人生賦命有厚薄君但遨遊妾寂寞

贈羔下第

良人的的有奇才何事年年被放回如今妾面羞郎面  
若到來時近夜來

聞杜羔登第

長安此去無多地鬱鬱葱葱佳氣浮良人得意正年少

今夜醉眠何處樓

代杜羔贈人

澹澹春風花落時  
不堪秋望更相思  
無金可買長門賦  
有恨空吟團扇詩

孫氏

孟昌期妻

聽琴詩

玉指朱弦復清湘  
妃愁怨最難聽  
初疑颯颯涼風勁  
又似蕭蕭暮雨零  
近若流泉來碧嶂  
遠如玄鶴下青冥

夜深彈罷堪惆悵  
霧濕蘭叢月滿庭

白蠟燭詩贈人

景勝銀缸香比蘭  
一條白玉逼人寒  
他時紫禁春風夜  
醉草天書仔細看

謝人送酒

謝將清酒寄愁人  
澄澈甘泉氣味真  
好是綠牕風月夜  
一杯搖蕩滿懷春

裴柔之

元稹妻

答外詩

侯門初擁節御苑柳絲新不是悲殊命惟愁別近親黃  
鶯遷古木朱履徙清塵想到千山外滄州正暮春

鄭紹蘭

鄭行  
先女

燕足寄夫書

我婿去重湖臨窓泣血書殷勤憑燕翼寄與薄情夫

張氏

彭抗  
妻

寄外詩

久無音信別羅幃  
路遠迢迢音問稀  
聞君折得東堂桂  
折罷那能不暫歸

其二

驛使今朝過五湖  
殷勤為我報狂夫  
從來誇有龍泉劍  
試割相思得斷無

慎氏

名三史嚴瓊  
夫妻昆陵人

留別詩

當時心事已相關  
雨散雲飛一餉間  
便挂孤帆從此去



不堪重過望夫山

崔氏

盧象妻

述懷詩

不怨盧郎年紀大  
不怨盧郎官職卑  
自恨妾身生較晚  
不及盧郎年少時

程長文

鄱陽人

獄中書情上使君

妾家本住鄱陽曲  
一片堅心比孤竹  
當年二八盛容儀



紅牋草隸却如飛盡日閒牕刺繡坐有時極浦采蓮歸  
誰道居貧守都邑幽居寂寞無人入海燕朝歸枕席寒  
山花夜落堦墀濕強暴之男何所為手持白刃向簾幃  
一命任從刀下死千金豈受暗中欺我心匪石情難轉  
志奪秋霜意不移血濺羅衣終不恨瘡粘錦袖亦何辭  
縣僚曾未知情緒即便教人繫囹圄朱唇滴瀝獨銜冤  
玉筯攔干歎非所十月寒更堪愁人一聞擊柝一傷神  
高髻不梳雲已散蛾眉淡掃月仍新三尺嚴章焉可越

百年心事向誰說但看洗雪出園扉始信白圭無玷缺

銅雀臺

君子去後行人絕簫箏不響歌喉咽雄劍無威光彩沈  
寶琴零落金星滅玉階寂寞墜秋露月照當時歌舞處  
當時歌舞人不回化為今日西陵灰

春閨怨

綺陌香飄柳如線時光暖急驚流電良人何處事功名  
十載相思不相見

魏氏

求己之妹

贈外詩

浮萍依綠水，弱葛寄青松。與君結大義，移天得所從。  
翰林無雙鳥，劒木不分龍。諧和類琴瑟，堅固同膠漆。  
義重恩欲深，夷險貴如一。本自身不令，積多嬰痛疾。  
朝夕倦床枕，形體恥巾櫛。遊子困風塵，從官初解巾。  
東裝赴南郢，脂駕出西秦。比翼終難定，銜尾苦無因。  
徒悲楓岸遠，空對柳園春。男兒不重舊，丈夫多好新。  
新人喜新聘，朝

朝臨妝鏡兩鴛固無比雙蛾誰與競詎憐愁思人含啼  
嗟薄命薜華不足恃松枝有餘勁所願好九思勿令虧  
百行

王韞秀

忠嗣女  
元載妻

請偕行

路掃饑寒迹天哀志氣人休零離別淚攜手入西秦

寄姨妹

相國已隨麟閣貴家風第一左丞詩笄年解笑鳴機婦

恥見蘇秦富貴時

諫外

楚調燕歌動畫梁  
更闌重換舞衣裳  
公孫開館招佳客  
知道浮雲不久長

劉瑗

長門怨

雨滴梧桐秋夜長  
愁心和雨到昭陽  
淚痕不學君恩斷  
拭却千行更萬行

其二

學畫蛾眉獨出羣當時人道便承恩經年不見君王面  
花落黃昏空掩門

鮑四絃

勸韋酒歌

白露濕庭砌皓月臨前軒此時去留恨含思獨無言

勸鮑生酒歌

風颭荷珠雖暫圓多情信有短因緣西樓今夜三更月

還照離人泣斷絃

吳英秀

詠鸚鵡

莫把金籠閉鸚鵡箇箇聰明解人語忽然更向君前言

三十六宮愁幾許

關盼盼

張建封妾

燕子樓詩

樓上殘燈伴曉霜獨眠人起合歡牀相思一夜情多少

地角天涯未是長

其二

適看鴻雁岳陽迴又覩玄禽逼社來  
瑤瑟玉簫無意緒任從蛛網任從灰

其三

北邙松柏鎖愁烟燕子樓中思悄然  
自埋劍履歌塵散紅褪香銷一十年

答白公



自守空樓歛恨眉形同春後牡丹枝  
舍人不會人深意  
訝道泉臺不去隨

張窈窕

蜀人

春思詩

門前梅柳爛春輝  
閉妾深閨繡舞衣  
燕子不知腸欲斷  
銜泥故故傍人飛

其二

井上梧桐是妾移  
夜來花發最高枝  
忽然不向深閨種

春過門前爭得知

上成都即事

昨日買衣裳今日賣衣裳  
衣裳渾賣盡羞見嫁時箱  
有賣愁仍緩無時心轉傷  
故園戎虜隔何處事蠶桑

贈有思

與君咫尺長離別  
遣妾容華為誰說  
夕望層城眼欲穿  
曉臨明鏡腸斷絕

葛鵲兒

懷良人詩

蓬鬢荆釵世所希  
布裙猶是嫁時衣  
胡麻好種無人種  
正是歸時不見歸

會仙詩

彩鳳搖搖下翠微  
烟花漠漠徧芳枝  
玉牕仙會何人見  
惟有春風仔細知

其二

烟霞迤邐接蓬萊  
宮殿參差曉月開  
羣玉山前人別處

紫鸞飛起望仙臺

楊德麟

楊敬之女

題奉慈寺

日月金輪動旃檀碧樹秋塔分鴻雁翅鐘挂鳳皇樓

長孫佐輔妻

答外詩

征人去歲戍邊來夜得邊書字盈紙揮刀就燭裁紅綺  
結作同心答千里君寄邊書書莫絕妾答同心心自結

同心再解不心離  
離家頻看字愁滅  
結成一衣和淚封  
封書只在懷袖中  
莫如書字固難久  
願學同心長可同

薛瓊

賦荆門

黃鳥番紅樹青牛卧  
綠苔諸宮歌舞地  
輕霧鎖樓臺

陳玉蘭

王駕妻

寄外征衣

夫戍邊關妾在吳  
西風吹妾妾憂夫  
一行書寄千行淚

寒到君邊衣到無

崔公達

獨夜詞

晴天霜落寒風急  
錦帳羅幃羞更入  
秦箏不復續斷絃  
迴身掩淚挑燈立

王氏

永福令  
潘君妻

汰王灘寄夫詩

何事潘郎戀別筵  
離情未斷妾心懸  
汰王灘下相思處

猿叫空山月滿船

劉元載妻

詠早梅

南枝向暖北枝寒一種春風有兩般  
憑仗高樓莫吹笛大家留取倚欄干

張琰

春詞

垂柳鳴黃鸝闌闌若求友春情不可耐  
愁殺閨中婦日

暮登高樓誰憐小垂手

其二

昨日桃花飛今朝梨花吐  
春色能幾時那堪此愁緒  
蕩子遊不歸悲來淚如雨

銅雀臺

君王冥寞不可見銅雀歌舞空徘徊  
西陵寂寂悲宿鳥空殿亭亭閉青苔  
青苔無人跡紅粉空相哀

裴羽仙

邊將裴  
悅妻



邊將詩

風卷平沙日欲曛  
狼烟遙認射鵰羣  
李陵一戰無歸日  
望斷胡天哭塞雲

其二

良人平昔逐蕃渾  
力戰輕生出塞門  
從此不歸成萬里  
空留賤妾怨黃昏

寄夫征衣

深閨乍冷開香匣  
玉筯微微濕紅頰  
一陣霜風殺柳條

濃烟半夜成黃葉重重白練如霜雪獨下寒階轉淒切  
祇知抱杵搗秋砧不覺高樓已無月時聞寒雁相呼喚  
紗牕只有燈相伴幾展齊紈又懶裁離腸空逐金刀斷  
細想儀形執刀尺回刀剪破澄江色愁捻銀針信手縫  
惆悵無人試寬窄時時舉袖勻殘淚紅箋謾有千行字  
書中不盡心中事一半殷勤託邊使

梁瓊

銅雀臺

歌扇向陵開，齊行奠玉杯。  
舞時飛燕列，夢裏片雲來。  
月色空遺恨，松聲暮更哀。  
誰憐未死妾，掩袂下銅臺。

昭君怨

自古有和親，天移到妾身。  
朔風嘶去馬，漢月弔行輪。  
衣薄狼山雪，粧成虜塞春。  
回看父母國，生死畢胡塵。

劉氏婦

詠明月堂

蟬鬢驚秋華，髮新可憐紅。  
隙盡埃塵西，山一夢何年覺。

明月堂前不見人

其二

玉鈎風急響叮咚回首西山似夢中  
明月堂前人不到梧桐一夜老秋風

玉簫

韋牟婢

別外詩

黃雀含來已數春別時留解贈佳人  
長江不見魚書至為見相思夢入秦

步非烟

武公  
叢妾

酬趙生詩

綠慘雙蛾不自持，只因幽恨在新詩。  
郎心應似琴心怨，脉脉春情更付誰。

寄趙生

畫眉春燕須同宿，蘭浦雙鴛肯獨飛。  
長恨桃源諸女伴，等閒花裏送郎歸。

贈趙生

相思只恨難相見  
相見還愁却別君  
願得化為松上鶴  
一雙飛去入行雲

寄趙生蟬錦香囊并詩一首

無力嚴粧倚繡櫳  
暗題蟬錦思難窮  
近來贏得傷春病  
柳弱花歌怯曉風

崔鶯鶯

賦明月三五夜

待月西廂下  
迎風戶半開  
隔牆花影動  
疑是玉人來

別微之

棄置今何道當時且自新  
還將舊來意憐取眼前人

絕微之

自從消瘦減容光萬轉千迴懶下牀  
不為傍人笑不起為郎憔悴却羞郎

劉雲

有所思

朝亦有所思暮亦有所思  
登樓望君處靄靄浮雲飛浮

雲遮却蕭闌道掩淚誰知妾懷抱玉井蒼苔春院深桐  
花落盡無人掃

健仔怨

君恩不可見妾豈如秋扇秋扇尚有時妾身永微賤莫  
言朝花不復發嬌容幾奪昭陽殿

劉瑤

古意曲

梧桐階下月團團洞房如水秋夜闌吳刀剪破機頭錦



茱萸花墜相思枕  
綠牕寂寞背燈時  
暗數寒更不成寢  
暗別離

槐花結子桐葉焦  
單飛越鳥啼清宵  
翠軒輾雲輕遙遙  
胭脂淚迸紅線條  
瑤草歇芳心耿耿  
玉佩無聲畫屏冷  
朱絃暗斷不見人  
風動花枝月中影  
青鸞脉脈西飛去  
海濶天高不知處

闔閭城懷古

五湖春水碧連天  
國破君王不計年  
惟有妖娥曾舞處

蘇臺寂寞起寒烟

張瑛

望月詩

天漢涼秋夜沈沈一鏡明山空猿屢嘯林靜鶴還驚

姚月華

古怨

春草萋萋春水綠對此思君淚相續羞將離恨向東風  
理盡秦箏不成曲

又

與君形影分吳越  
玉枕經年對離別  
登臺北望烟雨深  
回身哭向寥天月

楚妃怨

梧桐葉下黃金井  
橫架轆轤牽素綆  
美人初起天未明  
手拂銀瓶秋水冷

有期不至

銀燭青罇久延佇  
出門入門天欲曙  
月落星稀竟不來

烟柳曠瞳鵲飛去

廬氏

寄征人詩

淒淒北風吹鴛被  
娟娟西月生蛾眉  
誰知獨夜相思處  
淚滴寒塘蕙草時

峽中即事

清秋三峽此中去  
鳴鳥孤猿不可聞  
一道水聲多亂石  
四時天色少晴雲  
日暮泛舟溪澗口  
那堪夜客思氛氲

懷遠

青林有蟬響赤日無鳥飛徘徊東南望雙淚空沾衣

蔣氏

蔣凝女  
陸濛妻

喜酒詩

平生偏好酒勞爾勸吾餐但得樽中滿時光度不難

崔萱

字伯容

古意詩

灼灼葉中花夏萎春又芳明明天上月蟾缺圓復光

叙別

碧池濛濛春水綠中有佳禽暮棲宿願持此意永相詒  
祇慮君情中反復

豪家子

年少家藏累代金紅樓盡日醉沈沈馬非蹠蹠寧酬價  
人不嬋娟肯動心

薛瑗

南楚材妻  
濠梁人

寫真寄外

欲下丹青筆先拈寶鏡寒已驚顏索寞漸覺髮凋殘淚  
眼描將易愁腸寫出難恐君渾忘却時展畫圖看

安邑坊女

幽恨篇

卜得上峽日秋天風浪多江陵一夜雨腸斷木蘭歌

李弄玉

會稽人

哀憤詩

昔逐良人西入關良人身沒妾空還謝娘衛女不相見

為雨為雲歸舊山

京兆女子

題興元明珠亭

寂寥滿地落花紅  
獨有離人萬恨中  
回首池塘更無語  
手彈珠淚背東風

湘驛女子

題玉泉溪

紅葉醉秋色  
碧溪彈夜弦  
佳期不可再  
風雨杳如年



韓僕射姬

贈別詩

風柳搖搖無定枝  
陽臺雲雨夢中歸  
他年蓬島音塵絕  
留取尊前舊舞衣

李節度使姬

書紅綃帕詩

囊裏真香誰見竊  
絞綃滴淚染成紅  
殷勤遺下輕綃意  
好與情郎懷袖中

會張生述懷

門前畫戟尋常設堂上犀簪取次看最是惱人情緒處  
鳳皇樓上月華寒

黃崇嘏

辭蜀相妻女詩

一辭拾翠碧江湄貧守蓬茆但賦詩自服藍衫居郡掾  
永拋鸞鏡畫蛾眉立身卓爾青松操挺志堅然白壁姿  
幕府若容為坦腹願天速變作男兒

任氏

侯繼  
圖要

桐葉詩

拭翠斂蛾眉為鬱心中事  
擲管下庭除書成相思字  
此字不書石此字不書紙  
書向秋葉上願逐秋風起  
天下有心人盡解相思死  
天下負心人不識相思字  
有心與負心不知落何地

眉娘

和錦城春望

蠶市初開處處春  
九衢明艷起香塵  
世間總有浮華事  
爭及仙山出世人

葛氏女

和潘雍詩

九天天遠瑞烟濃  
駕鶴駢龍意已同  
從此三山山上月  
瓊花開處照春風

后土夫人

已下羣  
仙附

偶引羣仙到世間  
薰風殿裏醉華筵  
等閑貪賞不歸去

愁殺韋郎一覺眠

王母

滄海成塵幾萬秋  
碧桃花發長春愁  
不來便是數千歲  
周穆漢王何處遊

麻姑

世間何事不推遷  
順得人情命不延  
適向蔡家廳上飲  
回頭已是二千年

上元夫人

思量往事一宵中  
阿母曾邀到漢宮  
城闕不存人不見  
茂陵荒草恨無窮

弄玉

采鳳飛來到禁闈  
便隨王母駐瑤池  
如今記得秦樓上  
偷見蕭郎惱妾時

曹文姬

送春詩

仙家無夜亦無秋  
紅日清風滿翠樓  
遙望碧霄歸路穩

可能同駕五雲蚪

卓英英

已下妓女附

錦城春望

和風裝點錦城春  
細雨如絲壓玉塵  
謾把詩情訪奇景  
艷花濃酒屬閒人

理笙

頻倚銀屏理鳳笙  
調中幽意起春情  
因思往事成惆悵  
不得緱山和一聲

福感寺答少年

牡丹未及開時節  
況是秋風莫近前  
留得來年二三月  
一枝和露壓神仙

答玄士

數載幽欄種牡丹  
裏香包艷待神仙  
神仙既有丹青術  
攜取何妨入洞天

和理笙

但于閨閣熟吹笙  
太白真仙自有情  
他日丹青驂白鳳



何愁子晉不聞笙

趙鸞鸞

雲鬟詩

擾擾香雲濕未乾  
鴉翎蟬翼膩光寒  
側邊斜插黃金鳳  
粧罷夫君帶笑看

柳眉

彎彎柳葉愁邊戲  
湛湛菱花照處頻  
無媚不煩螺子黛  
春山畫出自精神

檀口

銜杯微動櫻桃顆  
咳唾輕飄茉莉香  
曾見白家樊素口  
瓠犀雙顆綴榴房

酥乳

粉香汗濕瑤琴軫  
春逗酥融白鳳膏  
浴罷檀郎捫弄處  
露華涼沁紫蒲萄

纖指

纖纖軟玉削春葱  
長在香羅翠袖中  
昨日琵琶絃索上

分明滿甲染猩紅

薛氏

詠春

花朵幾枝柔  
傍砌柳風千縷細  
搖風霞明半嶺西  
斜日月上孤村一樹松

夏

涼回翠簟冰人冷  
齒沁清泉夏井寒  
香篆裊風青縷縷  
紙牕明月白團團

秋

蘆雪覆汀秋水白  
柳風凋樹晚山蒼  
孤燈客夢驚空館  
獨雁征書寄遠鄉

冬

天凍雲寒朝閉戶  
雪飛風冷夜闌城  
鮮紅炭火圍爐暖  
淺碧茶甌注茗清

徐月英

送人詩

惆悵人間萬事違  
兩人同去一人歸  
生憎平望亭前水  
忍照鴛鴦相背飛

叙懷

為失三從泣淚頻  
此身何用處塵氛  
雖然日逐笙歌樂  
常羨荆釵與布裙

杜秋娘

金縷詞

勸君莫惜金縷衣  
勸君莫惜少年時  
花開堪折直須折

莫待無花空折枝

薛濤

字洪度  
蜀人

春望詞

花開不同賞花落不同悲欲問相思處花開花落時

其二

檻草結同心將以遺知音春愁正斷絕春鳥復哀吟

其三

風花日將老佳期猶渺渺不結同心人空結同心草

其四

那堪花滿枝翻作兩相思  
玉箸垂朝鏡春風知不知

蟬

露滌清音遠風吹故葉齊  
聲聲似相接各在一枝栖

月

魄依鈎樣小扇逐漢機  
圓細影將圓質人間幾處看

池上雙鳥

雙棲綠池上朝暮共飛還  
更憶將雛日同心蓮葉間

蜀赴邊有懷上韋令公

聞道邊城苦今來到始知羞將門下曲唱與隴頭兒

又

點虜猶違命烽烟直北愁却教嚴遣妾不敢向松州

鴛鴦草

綠英滿香砌兩兩鴛鴦草但娛春日長不管秋風早

續父井桐吟

庭除一古桐攢幹入雲中枝迎南北鳥葉送往來風



送友人

水國蒹葭夜有霜  
月寒山色共蒼蒼  
誰言千里自今夕  
離夢杳如關路長

送盧員外

玉壘山前風雪夜  
錦官城外別離魂  
信陵公子如相問  
長向夷門感舊恩

題竹郎廟

竹郎廟前多古木  
夕陽沈沈山更綠  
何處江村有笛聲

聲聲盡是迎郎曲

上川主武國相二首

落日重城夕霧收  
玳筵雕俎薦諸侯  
因令朗月當庭燎  
不使珠簾下玉鉤

又

東閣移尊綺席陳  
貂簪龍節更宜春  
軍城畫角三聲歇  
雲幕初垂紅燭新

憶荔枝

傳聞象郡隔南荒  
絳實豐肌不可忘  
近有青衣連楚水  
素漿還得類瓊漿

送姚員外

萬條江柳早秋枝  
裊地翻風色未衰  
欲折爾來將贈別  
莫教烟月兩鄉悲

別李郎中

花落梧桐鳳別凰  
想登秦嶺更淒涼  
安仁縱有詩將賦  
一半音詞雜悼亡

酬文使君

延英曉拜漢恩新  
五馬騰驤九陌塵  
今日謝庭飛白雪  
巴歌不復舊陽春

賦凌雲寺

閒說凌雲寺裏苔  
風高日近絕纖埃  
橫雲點染芙蓉壁  
似待詩人寶月來

又

閒說凌雲寺裏花  
飛空遠磴逐江斜  
有時鎖得嫦娥鏡

鏤出瑤臺五色霞

送鄭眉州

雨暗眉山江水流  
離人掩袂立高樓  
雙旌千騎駢東陌  
獨有羅敷望上頭

菱荇沼

水荇斜牽綠藻浮  
柳絲和葉卧清流  
何時得向溪頭賞  
旋摘菱花泛去舟

春郊遊眺寄孫處士

低頭久立向薔薇愛似零陵香惹衣何事碧溪孫處士  
伯勞東去燕西飛

試新服裁製初成

紫陽宮裏賜紅綃仙霧朦朧隔水遙霜兔毳寒冰壘靜  
嫦娥笑指織星橋

又

九氣分為九色霞五靈仙馭五雲車春風因過東君舍  
偷樣人間染百花

柳絮

二月楊花輕復微  
春風搖蕩惹人衣  
他家本是無情物  
一任南飛又北飛

贈遠

芙蓉新落蜀山秋  
錦字開緘到是愁  
閨閣不知戎馬事  
月高還上望夫樓

又

擾弱新蒲綠又齊  
春深花落塞前溪  
知君未轉秦關騎

月照千門掩袖啼

酬杜舍人

雙魚底事到儂家  
撲手新詩片片霞  
唱到白蘋洲畔曲  
芙蓉空老蜀江花

武昌妓

續韋瞻句

悲莫悲兮生別離  
登山臨水送將歸  
武昌無限新栽柳  
不見楊花撲面飛



章臺柳氏

答韓節度

楊柳枝芳菲節可恨年年贈離別一葉隨風忽報秋縱  
使君來豈堪折

襄陽妓

送武補闕

弄珠灘上欲消魂獨把離懷寄酒尊無限烟花不留意  
忍教芳草怨王孫

平康妓

書紅牋詩

銀釭斜背解鳴璫小語偷聲賀玉郎從此不知蘭麝貴  
夜來新惹桂枝香

劉淑柔

中秋夜泊武昌

兩城相對峙一水向東流今夜素娥月何年黃鶴樓悠  
悠蘭棹晚眇眇荻花秋無奈柔腸斷關山總是愁

咸小叢

詠突厥三臺

雁門山上雁初飛  
馬邑關中馬正肥  
日肝山西逢驛使  
殷勤南北送征衣

周德華

楊柳枝辭

清江一曲柳千條  
二十年前舊板橋  
曾與情人橋上別  
更無消息到今朝

趙虛舟

贈戲

砌下梧桐葉正齊  
花繁雨後壓枝低  
報道不須鴟鳥亂  
他家自有鳳皇棲

妓常浩

贈鄭女郎古意

昨夜巫山中  
失却陽臺女  
朝來香閣裡  
獨伴楚王語  
艷陽灼灼河洛神  
珠簾繡戶青樓春  
能彈瑩篴弄仙指  
愁

殺門外少年子笑開一面紅粉粧東園幾處桃花死朝  
理曲暮理曲獨坐窓前一片玉行也嬌坐也嬌見之令  
人魂魄消堂前錦褥紅地爐綠沈香榼傾屠蘇解佩時  
時歇歌管芙蓉帳裏蘭麝滿挽起羅衣香不斷滅燭每  
嫌秋夜短

贈友人

聞道東山逸興多為憐明月映滄波不辭紅粉隨君去  
其奈蒼生有望何

閨情

門前昨夜信初來見說行人卒未迴誰家樓上吹橫笛  
偏送愁聲向妾哀

贈盧夫人

佳人惜顏色恐逐芳菲節日暮出畫堂階下見新月拜  
月仍有詞傍人那得知歸來玉堂下始見淚痕垂

太原妓

寄歐陽詹

自從別後減容光半是思郎半恨郎欲識舊來雲髻樣  
為奴開取縷金箱

劉采春

囉唸曲

不喜秦淮水生憎江上船載兒夫婿去經歲又經年

其二

借問東園柳枯來得幾年自無枝葉分莫怨太陽偏

其三

莫作商人婦荆釵當卜錢朝朝江口望錯認幾人船

其四

那年離別日只道在桐廬桐廬人不見今得廣州書

其五

昨日北風寒牽船浦裏安潮來打纜斷櫓櫓始知難

紅綃妓

憶崔生

深洞鶯啼恨阮郎偷來花下翠珠璫碧雲飄斷音書絕



空倚玉簫愁鳳皇

蓮花女

呈陶處士

蓮花為號玉為腮  
珍重尚書遣妾來  
處士不生巫峽夢  
虛勞雲雨下陽臺

石倉歷代詩選卷一百十三

欽定四庫全書

石倉歷代詩選卷一百十四

明 曹學佺 編

唐一百一

拾遺一

韓王元嘉

高祖第十一子

奉和同太子監守違廳

乾象開層構離明啟少陽卜征從獻吉守器屬元良述

矣凌周頌遙哉掩漢莊好士傾南洛多才盛北場地分  
丹鷲嶺途間白雲鄉儲誠虔曉夕宸愛積炎涼珠璧連  
霄漢萬物仰重光

越王貞

太宗第八子

奉和聖製過溫泉

鳳輦騰宸駕驪籞次乾遊坎德疎溫液山隈派暖流寒  
氛空外擁蒸氣沼中浮林凋帷影散雲歛蓋陰收霜郊  
暢玄覽參差落景遒

章懷太子

名賢字明允  
高宗第六子

黃臺瓜詞

種瓜黃臺下瓜熟子離離  
一摘使瓜好再摘使瓜稀  
三摘由自可摘絕抱蔓歸

竇威

出塞曲

匈奴屢不平漢將欲縱橫  
看雲方結陣却月始連營  
潛軍度馬邑揚旆掩龍城  
會勒燕然石方傳車騎名

楊希道

詠琴

久擅龍門質，孤竦嶧陽名。  
齊娥初發弄，趙女正調聲。  
嘉客勿遽反，繁絃曲未成。

詠笙

短長插鳳翼，洪細摹鸞音。  
能令楚妃歎，復使荆王吟。  
切切孤竹管，來應和雲琴。

侍宴賦得起坐彈鳴琴

北林鵲夜飛南軒月初進調弦發清徵蕩心祛褊恡變  
作離鴻聲還入思歸引長歎未終極秋風飄素髮

詠舞

二八如迴雪三春類早花分行向燭轉一種逐風斜

劉孝孫

遊清都觀尋沈道士

紛吾因暇豫行樂極留連尋真謁紫府披霧覲青天緬  
懷金闕外遐想玉京前飛軒俯松柏抗殿接雲烟滔滔

清夏景嘒嘒早秋蟬橫琴對危石酌醴臨寒泉聊祛塵  
俗累寧希龜鶴年無勞生羽翼自可狎神仙

早發成皋望河

清晨發巖邑車馬走輾轅迴看黃河上愴怵屢飛魂鴻  
流導積石驚浪下龍門仙槎不辨處沈璧想猶存遠近  
洲渚出颯沓鳬雁喧懷古空延佇歎逝將何言

冬日宴于庶子宅各賦一字得鮮

解襟遊勝地披雲促宴筵清文振筆妙高論瀉言泉凍



柳含風落寒梅照日鮮  
驪歌雖欲奏歸駕且留連

詠笛

涼秋夜笛鳴流風韻九成調  
歌時慷慨曲變或淒清  
征客懷離緒隣人思舊情  
幸以知音顧千載有奇聲

得春鶯送友人

翅掩飛燕舞啼惱婕妤悲  
料取金閨意因君問所思  
流鶯拂繡羽二月上林期  
待雪消金禁銜花向玉墀

凌敬

遊清都觀

聊排靈璫闥徐步入清都青谿冥寂士思玄狗道樞十  
芒生藥笥七焰發丹爐縹緲哀桐君籙朱書王母符宮槐  
散綠穗日槿落青柎矯翰雷門鶴飛來葉縣鳬凌風可  
自御安事迫中區方追羽化侶從此得玄珠

巫山高

巫岫鬱蒼堯高高入紫霄白雲間危石玄猿挂迴條懸  
崖激巨浪脆葉殞驚飈別有陽臺處風雨共飄飄

趙中虛

遊清都觀

青谿阻千仞，姑射藐汾陽。  
未若遊茲境，探玄衆妙場。  
鶴來疑羽客，雲汎似霓裳。  
寓目雖靈宇，遊神乃帝鄉。  
道存真理得，心灰俗累忘。  
烟霞凝抗殿，松桂肅長廊。  
早蟬清暮響，崇蘭散晚芳。  
卽此翔寥廓，非復控榆枋。

杜正倫

玄武門侍宴

大君端展暇睿賞狎林泉開軒臨禁籞藉野列芳筵參  
差歌管颺容裔羽旗懸玉池流若醴雲閣聚非烟湛露  
晞堯日薰風入舜絃大德侔玄造微物荷陶甄諺陪瑤  
水宴仍廁栢梁篇闕名徒上月鄒辯詎談天既喜光華  
旦還傷遲暮年猶冀升中日簪裾奉肅然

封行高

冬日宴于庶子宅得色字

夫君敬愛重歡言情不極雅興發清音麗藻窮雕飾水

結曲池水日暖平亭色引滿既杯傾終之以升側

長孫無忌

新曲二首

阿儂家住朝歌下早傳名結伴來遊淇水上舊長情玉  
佩金鈿隨步遠雲羅霧縠逐風輕轉目機心懸自許何  
須更待聽琴聲

又

迴雪凌波遊洛浦遇陳王婉約娉婷工語笑侍蘭房笑

蓉綺帳還開  
揜翡翠珠被爛  
齊光長願今朝奉  
顏色不  
愛吹簫逐鳳皇

灞橋待李將軍

颯颯風葉下  
遙遙烟景曛  
霸陵無醉尉  
誰滯李將軍

袁朗

賦得飲馬長城窟

朔風動秋草  
清蹕長安道  
長城連不窮  
所以衛區中  
規模惟聖作  
負荷晚成功  
鳥庭已向內  
龍荒更鑿空  
玉關

塵卷靜金微路已通湯征隨北怨舜詠起南風畫地功  
初立綏邊事云集朝服踐狼居凱歌旋馬邑山響傳鳳  
吹霜華藻瓊釵屬國擁節歸單于款關入日落寒雲起  
驚鴻被原隰零露葉已寒河流清且急四時徭役盡千  
載干戈戢太平今若斯汗馬竟無施惟當事筆硯歸山  
草封禪

楊績

安德山池宴集

狹斜通鳳闕上路抵青樓簪紱啟賓館軒蓋臨御溝西  
城多妙舞主第出名謳列峰凝宿霧疏壑擬藏舟花蝶  
亂風影蘋藻含春流酒闌歌宴畢自反山之幽

陳子良

夏晚尋于政世置酒

聊從嘉遁所酌醴共抽簪以茲山水地留連風月心長  
榆落照盡高柳暮蟬吟一返桃源路別後難追尋

賦得妓



微雨散芳菲  
中園照落暉  
紅樹搖歌扇  
綠珠飄舞衣  
繁絃調對酒  
雜引動思歸  
愁人當此夕  
羞見落花飛

劉斌

送劉散員賦得好鳥鳴高枝

春林已自好  
時鳥復和鳴  
枝交難奮翼  
谷靜易流聲  
聞闌纔得性  
矰繳遽相驚  
安知背飛遠  
拂霧獨晨征

楊濬

送劉散員賦得明月照高樓

高樓一何綺素月復流明重軒望不極餘暉攬詎盈鏡  
華當牖照鉤影隔簾生逆愁異樽酒對此難為情

崔善為

答王無功冬夜載酒鄉館

頌條添貴郡懸榻久相望處士同楊鄭邦君謝李疆詎  
知方擁篲逢子敬惟桑明朝蓬戶側會自謁任棠

答王無功九日

秋來菊花氣深山客重尋露葉疑涵玉風花似散金摘

來還泛酒獨坐即徐斟王弘貪自醉無復覓陽林

李敬玄

奉和別魯王

綠車旋楚服丹蹕佇秦川珠臯轉歸騎金岍引行旃一  
朝限原隰千里間風烟驚喧上林谷鳬響御溝泉斷雲  
移魯蓋離歌動舜絃別念凝神宸崇恩洽玳筵顧惟慙  
叩寂徒自仰鈞天

奉和別越王

飛蓋迴蘭坂宸襟佇栢梁別館分涇渭歸路指衡漳闕  
山通曙色林藥徧春光帝念紆千里詞波照五潢

牛鳳及

奉和受圖溫洛應制

八神扶玉輦六羽警瑤谿戒道伊川北通津澗水西御  
圖開洛匱刻石與天齊瑞日波中上仙禽霧裏低微臣  
矯弱駟抃舞接駕驚

賀朝清

賦得遊人久不歸

鄉關眇天末，引領悵懷歸。  
羈旅久淫滯，物色屢芳菲。  
稍覺生意盡，行看蓬髮稀。  
如何千里外，佇立需裳衣。

裴守真

奉和太子納妃太平公主出降

瑜珮升青殿，穠華降紫微。  
還如桃李發，更似鳳皇飛。  
金屋真離象，瑤臺起婺徽。  
綵纓分碧坐，綬羽泛綸衣。  
雲路移彤輦，天津轉明鏡。  
仙珠照乘歸，寶月重輪映。  
望園嘉

宴洽主第歡娛盛絲竹揚帝薰簪裾奉宸慶叢雲靄曉  
光湛露晞朝陽天文天景麗膚藻膚詞芳玉庭散秋色  
銀宮生夕涼太平超邃古萬壽樂無疆

胡元範

前題

帝子威儀絕儲妃禮度優疊鼓陪仙觀凝笳翼畫輶  
鬱神香滿奕奕彩雲浮排空列錦罽騰觀溢皇州金闕  
未息火玉樹種天愛月路飾還裝星津動歸佩紫極流

宸渥清規佇慈誨恩波洽九流光輝軼千載列席詔親  
賢式宴坐神仙聖文飛聖筆天樂奏鈞天曲池涵瑞景  
丈宇孕祥烟小臣同百獸率舞悅堯年

王德貞

奉和聖製過溫湯

握圖開萬寓屬聖啟千年驪阜疏緹騎驚鴻映綵旃玉  
霜鳴鳳野金陣藻龍川祥烟聚危岫德水溢飛泉停輿  
興睿覽還舉大風篇

賀鼓

奉和九月九日應制

商飈凝素籥玄覽賁黃圖  
曉霜驚斷雁晨吹結相烏  
寒花低岸菊涼葉下庭梧  
澤宮申舊典相圃叶前模  
玉砌分雕戟金溝轉鏤戩  
帶星飛夏箭映月上軒弧  
慶展簪裾洽恩融雨露濡  
天文發丹篆寶思掩玄珠  
承歡徒儻抃負陀竊忘軀

薛克構



奉和展禮岱宗塗經濮濟

龍圖冠胥陸鳳駕指云亭非烟泛濟浦綠宇啟河汀  
畫裳晨應月丈戟曙分星四田巡揖禮三驅道契經行欣  
奉萬歲竊抃偶千齡

員半千

隴頭水

路出金河道山連玉塞門旌旗雲裏度楊柳曲中喧  
蹀血多壯膽褭革無怯魂嚴霜斂曙色大明辭朝暾塵消

營卒壘沙靜都尉垣霧捲白山出風吹黃葉翻將軍獻  
凱入萬里絕河源

辛常伯

軍中行路難

君不見封狐雄虺自成羣憑深負固結妖氛玉壘分兵  
徵惡少金壇授律動將軍將軍擁麾宣廟略戰士橫戈  
靜夷落長驅一息背銅梁直指三危登劒閣閣道峩峩  
起戍樓劒門遙裔俯靈丘卽闕九折無平路江水雙源

有急流征役無期返他鄉歲華晚杳杳丘陵出蒼蒼林  
薄遠途危紫蓋峰路澀青泥坂去去指哀牢行行入不  
毛絕筆千里險連山四望高中外分區宇夷夏殊風土  
交趾枕南荒昆彌臨北戶川原繞毒霧谿谷多靈雨行  
潦四時流崩查千歲古漂梗飛蓬不暫安捫蘿引葛陟  
危巒昔時聞道從軍樂今日方知行路難滄江綠水東流  
駛炎州丹徼南中地南中南斗映星河秦關秦塞阻烟  
波三春邊地風光少五月瀘州瘴癘多朝驅疲斥候夕

息倦樵歌向月彎  
繁弱連星轉太阿  
重義輕生懷一顧  
東伐西北凡幾度  
夜夜朝朝斑鬢新  
年年歲歲戎衣故  
灞城隅滇池水  
天涯望轉積地際  
行無已徒覺炎涼節  
物移不知關山千萬里  
棄置勿重陳重陳多苦辛  
且悅清笳梅柳曲  
詎憶芳園桃李人  
絳節紅旗分日羽  
丹心白刃酬明主  
但令一被君王知  
誰憚三邊征戰苦  
行路難行路難岐  
路幾千端無復歸  
雲憑短翰空餘望  
日想長安

杜易簡

湘川新曲二首

昭潭深無底橘州淺而浮本欲凌波去翻為目成留願  
君稍弭楫無令賤妾羞

二八相招攜采菱渡前谿弱腕隨橈起纖腰向舸低自  
解看花笑憎聞染竹啼

李懷遠

凝碧池侍宴看競渡應制

上苑清鑒路高居重豫遊前對芙蓉沼傍臨杜若洲地  
如玄扈望波似洞庭秋列筵飛翠幃分曹戲鷁舟湍高  
棹影沒岸近榜歌遶舞曲依鸞殿簫聲下鳳樓忽聞天  
上樂疑逐海查流

王紹宗

三婦艷

大婦能調瑟中婦詠新詩小婦獨無事花庭曳履綦上  
客且安坐春日正遲遲

房融

謫南海過韶州廣界寺

零落嗟殘命蕭條託勝因  
方燒三界火遽洗六情塵  
隔嶺天花發凌空月殿新  
誰憐鄉國思從此學分身

薛曜

正夜侍宴應制

重闕鍾漏通夕敞鳳皇宮  
雙闕祥烟裏千門明月中  
酒杯浮湛露歌曲唱流風  
侍臣咸醉止恒慙恩遇崇

富嘉謨

明冰篇

北陸蒼茫河海凝南山闌干晝夜冰素彩峨嵋明月升  
深山窮谷不自見安知採斲不嘉薦陰房涸沍掩寒扇  
陽春二月始朝暾春光潭沲度千門明冰時出御至尊  
彤庭赫赫九儀備腰玉煌煌千官事明冰畢賦周在位  
昨憶沙漠寒風漲崑崙長河冰始壯汗漫峻嶒積亭嶂  
嗷嗷鳴雁江上來禁苑池臺冰復開搖青涵綠映樓臺



幽歌七月王風始鑿冰藏用昭物軌四時不忒千萬祀

崔知賢

晦日宴高氏林亭用華字

上月河陽地芳晨景望華  
綿蠻變時鳥照耀起春霞  
柳搖風處色梅散日前花  
淹留洛城晚歌吹石崇家

王覲

前題

上序披林館中京視物華  
竹牕低露葉梅逕起風花  
景

落春臺霧池涵舊渚沙綺筵歌吹暗暮雨泛香車

高球

前題

溫洛年光早皇州景望華連轡尋上路乘興入山家輕  
苔網危石春水架平沙賞極林塘暮處處起烟霞

郎餘令

前題

三春休晦節九谷泛年華半晴餘細雨全晚澹殘霞樽

開疎竹葉管應落梅花興闌相顧起流水送香車

王茂時

前題

勝踐尋良會乘春玩物華還隨張放友來向石崇家止  
水分巖徑開庭枕浦沙未極清泉賞參差落照斜

周思鈞

晦日重宴高氏林亭用池字

綺筵乘晦景高宴下陽池濯雨梅香散含風柳色移輕

塵依扇落流水入弦危勿顧林亭晚方歡雲霧披

周彥暉

前題

春華歸柳岫晦景落萸枝置驛銅街右開筵玉浦陞林  
烟含障密竹雨帶珠危興闌巾倒戴山公下習池

方嗣初

晦日宴高氏林亭同用華字

上序春暉麗中園物候華高才盛文雅逸興滿烟霞參

差金谷樹皎鏡碧塘沙蕭散林亭晚倒載欲還家

陳嘉言

上元夜效小庾體同用春字

今夜可憐春河橋多麗人寶馬金為勒香車玉作輪連  
手窺潘掾分頭看洛神重城自不掩出向小平津

高瑾

前題

初年三五夜相知一兩人連轡出巷口飛轂下池湄燈

光恰似月人面併如春遨遊終未已相歡待日輪

盧藏用

宋主簿鳴皋夢趙六子未及報而陳子云亡今  
追為此詩答宋貽平昔遊舊

暮川罕停波朝雲無留色故人琴與詩可存不可識  
心尚可親琴詩非故人鳴皋初夢趙蜀國已悲陳感化  
傷淪滅魂交惜未申冥期失幽報茲理復今晨前嗟成  
後泣已矣將何及舊感與新悲虛懷酬昔時趙侯鴻寶

氣獨負青雲姿羣有含妙識衆象懸清機雄談盡物變  
精義解人頤在陰既獨善幽躍自為疑踈彼千里足傷  
哉一尉欺陳生富清理卓犖漁丈史思縟巫山雲調逸  
岷江水鏗鏘哀忠義感激懷知己負劒登薊門孤遊入  
燕市浩歌去京國歸守西山趾幽居探元化立言見千  
祀埋沒經濟情良圖竟云已坐憶平生遊十載懷嵩丘  
題書滿古壁採藥徧巖幽子微化金鼎仙筌不可求榮哉  
宋與陸名宦美中州存亡一睽阻岐路方悠悠自予事

山海及茲人世改傳聞當世榮皆入古人名無復平原  
賦空餘隣笛聲泣對西州使悲訪北邙塋新墳蔓宿早  
舊闕毀殘銘為君成此曲因言寄友生默語無窮事凋  
傷共此情

餞唐州高使君赴任

餞酒臨豐樹寒帷出魯陽蕙蘭春已晚桐栢路猶長祖  
述方城鎮安期外氏鄉從來二千石天子命惟良

餞許州宋司馬赴任



國為休徵選興因仲舉題山川襄野隔朋酒灞亭睽零  
雨征軒驚秋風別驪嘶驪歌一曲罷愁望正淒淒

奉和立春遊苑迎春應制

天遊龍輦駐城闔上苑遲光晚更新瑤臺半入黃山路  
玉檻傍臨玄灞津梅香欲待歌前落蘭氣先過酒上春  
幸預栢臺稱獻壽願陪千畝及農晨

唐遠志

奉和送金城公主適西蕃應制

皇恩賸下人割愛遠和親少女風遊兌姮娥月去秦龍  
笛迎金榜驪歌送錦輪那堪桃李色移向虜庭春

韋安石

侍宴旋師喜捷應制

蜂蟻屯夷落熊羆逐漢飛忘軀百戰後屈指一年歸厚  
眷舒天藻深慈解御衣興酣歌舞出朝野歎光輝

李迥秀

奉和九日登慈恩寺浮圖應制

沙界人王塔金繩梵帝遊言從祇樹賞行翫菊叢秋御  
酒調甘露天花拂綵旒堯年將佛日同此慶時休

張錫

晦日宴高文學林亭同用華字

雪盡銅駝路花照石崇家年光開柳色池影泛雲華賞  
洽情方遠春歸景未賒欲知多暇日樽酒漬澄霞

蕭至忠

奉和九日幸臨渭亭登高應制

望幸三秋暮登高九日初朱旗巡漢苑翠帟俯秦墟寵  
極英房徧恩深菊酌餘承歡何以答萬億奉宸居

于經野

前題

御氣三秋節登高九曲門桂筵羅玉俎菊醴溢芳尊導  
渚歸鴻度承雲舞鶴騫微臣濫陪賞空荷聖明恩

陸景初

前題

九秋光順豫重節霽良辰登高識漢苑問道侍軒臣菊  
花浮鉅壑莢房插縉紳聖化邊陲謐長洲鴻雁賓

洪子輿

嚴陵祠

漢主召子陵歸宿洛陽殿客星今何在隱跡猶可見水  
石空潺湲松篁尚葱蒨岼深翠陰合川迴白雲徧幽逕  
滋蕪沒荒祠冪霜霰垂釣想遺芳掇蘋羞野薦高風激  
終古語理忘榮賤方念道可尊山林情不變

張敬忠

邊詞

五原春色舊來遲二月垂楊未掛絲  
即今河畔冰開日正是長安花落時

嚴識玄

詠班婕妤

賤妾如桃李君王若歲時秋風一已勁  
搖落不勝悲寂寂蒼苔滿沈沈綠草滋  
繁華非此日指輦競何辭

盧從愿

奉和聖製送張說巡邊

上將發文昌中軍靜朔方  
占星引旌節擇日拜壇場  
禮樂臨軒送威聲出塞揚  
安邊俟帷幄制勝在巖廊  
作鼓將軍氣投醪壯士觴  
戒途遵六月離贈動三光  
槐路清梅暑蘅皋起麥涼  
時大仰雄伯耀武震遐荒  
衽席知無戰兵戈示不忘  
佇聞歌秋杜凱入繫名王

石倉歷代詩選卷一百十四